

BOSNA I HERCEGOVINA
FEDERACIJA BOSNE I HERCEGOVINE
PARLAMENT FEDERACIJE
DOM NARODA
Odbor za ekonomsku i razvojnu politiku,
finansije i budžet

Broj: 02/11-02-1130/21
Sarajevo, 27.05.2021. godine

DOMU NARODA
PARLAMENTA FEDERACIJE BIH

Na 16. sjednici Odbora za ekonomsku i razvojnu politiku, finansije i budžet Doma naroda Parlamenta Federacije BiH održanoj 27. maja 2021. godine razmatrane su sljedeće tačke dnevnog reda:

- 1. Prijedlog zakona o izmjenama Zakona o izvršavanju Budžeta Federacije Bosne i Hercegovine za 2021. godinu – hitni postupak,**
- 2. Prijedlog zakona o izmjenama Zakona o visini stope zatezne kamate na javne prihode – skraćeni postupak,**
- 3. Prijedlog zakona o finansijskoj konsolidaciji javnih zdravstvenih ustanova u Federaciji Bosne i Hercegovine - hitni postupak,**
- 4. Nacrt Zakona o Razvojnoj banci Federacije Bosne i Hercegovine,**
- 5. Nacrt zakona o zastupanju u osiguranju i posredovanju u osiguranju i reosiguranju**
- 6. a) Odluka o propisivanju mjere neposredne kontrole cijena utvrđivanjem maksimalne visine marže za pojedine osnovne životne namirnice i druge proizvode,**
b) Odluka o izmjeni Odluke o propisivanju mjere neposredne kontrole cijena utvrđivanjem maksimalne visine marži za pojedine osnovne životne namirnice i druge proizvode,
- 7. Odluka o propisivanju mjere neposredne kontrole cijena utvrđivanjem maksimalne visine marži za naftne derivate**
- 8. Prijedlog odluke o prihvatanju zaduženja po Sporazumu o finansiranju između Bosne i Hercegovine i Međunarodnog fonda za poljoprivredni razvoj IFAD za realizaciju Projekta 'Projekat razvoja ruralnih preduzeća i poljoprivrede'.**

Na osnovu člana 51. Poslovnika o radu Doma naroda Parlamenta Federacije BiH ("Službene novine Federacije BiH", broj 27/03, 21/09 i 24/20) Odbor za ekonomsku i razvojnu politiku, finansije i budžet podnosi Domu naroda sljedeći:

I Z V J E Š T A J

- 1. Prijedlog zakona o izmjenama Zakona o izvršavanju Budžeta Federacije Bosne i Hercegovine za 2021. godinu – hitni postupak**

Članovi Odbora predlažu Domu naroda da razmotri i usvoji Prijedlog zakona o izmjenama Zakona o izvršavanju Budžeta Federacije Bosne i Hercegovine za 2021. godinu po hitnom postupku.

2. Prijedlog zakona o izmjenama Zakona o visini stope zatezne kamate na javne prihode – skraćeni postupak

Imajući u vidu da se navedenim tekstom zakona predlaže samo izmjena datuma otpisa zatezne kamate, te da zakon nije obiman i složen, i u skladu je sa članom 164. stav 1. Poslovnika o radu Doma naroda članovi Odbora predlažu Domu naroda da razmotri i usvoji Prijedlog zakona o izmjenama Zakona o visini stope zatezne kamate na javne prihode po skraćenom postupku.

3. Prijedlog zakona o finansijskoj konsolidaciji javnih zdravstvenih ustanova u Federaciji Bosne i Hercegovine - hitni postupak

Imajući u vidu razloge i ciljeve predloženog teksta zakona članovi Odbora predlažu Domu naroda da razmotri i usvoji Prijedlog zakona o finansijskoj konsolidaciji javnih zdravstvenih ustanova u Federaciji Bosne i Hercegovine sa amandmanima Vlade Federacije BiH koji su postali sastavni dio teksta zakona, po hitnom postupku.

4. Nacrt Zakona o Razvojnoj banci Federacije Bosne i Hercegovine

U raspravi na sjednici Odbora konstatovano je da su uočeni određeni nedostaci u toku provođenja zakona, kao i rada Razvojne banke. Imajući u vidu da su na snazi novi propisi u oblasti bankarstva, članovi Odbora smatraju da je potrebno izvršiti usklađivanje sa istima, posebno u oblasti korporativnog upravljanja, upravljanja rizicima i supervizije Banke od strane Agencije, tako da se novim nacrtom zakona stvara pravni osnov. Članovi Odbora predlažu Domu naroda da razmotri i usvoji sljedeći:

Z A K L J U Č A K

1. Dom naroda Parlamenta Federacije Bosne i Hercegovine prihvata Nacrt Zakona o Razvojnoj banci Federacije Bosne i Hercegovine i smatra da može poslužiti kao osnova za izradu Prijedloga zakona.
2. Zadužuje se predlagač da, prilikom izrade Prijedloga zakona, ima u vidu primjedbe, prijedloge i sugestije iznesene u raspravi kao i one koje su dostavljene ili će biti dostavljene u pisanoj formi.

5. Nacrt zakona o zastupanju u osiguranju i posredovanju u osiguranju i reosiguranju

Članovi Odbora su konstatovali da će se novim nacrtom zakona otkloniti uočeni nedostaci u dosadašnjem poslovanju, te će se, u skladu sa obavezama preuzetim iz Sporazuma o stabilizaciji i pridruživanju izvršiti daljnje usklađivanje s direktivama Evropske unije iz ove oblasti. Članovi Odbora predlažu Domu naroda da razmotri i usvoji sljedeći:

Z A K L J U Č A K

1. Dom naroda Parlamenta Federacije Bosne i Hercegovine prihvata Nacrt zakona o zastupanju u osiguranju i posredovanju u osiguranju i reosiguranju i smatra da može poslužiti kao osnova za izradu Prijedloga zakona.
2. Zadužuje se predlagač da, prilikom izrade Prijedloga zakona, ima u vidu primjedbe, prijedloge i sugestije iznesene u raspravi kao i one koje su dostavljene ili će biti dostavljene u pisanoj formi.

6. a) Odluka o propisivanju mjere neposredne kontrole cijena utvrđivanjem maksimalne visine marže za pojedine osnovne životne namirnice i druge proizvode,
- b) Odluka o izmjeni Odluke o propisivanju mjere neposredne kontrole cijena utvrđivanjem maksimalne visine marži za pojedine osnovne životne namirnice i druge proizvode,

Članovi Odbora predlažu Domu naroda da razmotri i primi k znanju navedene odluke.

7. Odluka o propisivanju mjere neposredne kontrole cijena utvrđivanjem maksimalne visine marži za naftne derivate

Članovi Odbora predlažu Domu naroda da razmotri i primi k znanju navedenu odluku.

8. Prijedlog odluke o prihvatanju zaduženja po Sporazumu o finansiranju između Bosne i Hercegovine i Međunarodnog fonda za poljoprivredni razvoj IFAD za realizaciju Projekta 'Projekat razvoja ruralnih preduzeća i poljoprivrede'.

Članovi Odbora predlažu Domu naroda da razmotri i donese odluku o prihvatanju zaduženja po Sporazumu o finansiranju između Bosne i Hercegovine i Međunarodnog fonda za poljoprivredni razvoj IFAD za realizaciju Projekta 'Projekat razvoja ruralnih preduzeća i poljoprivrede'.

Za izvjestioca na sjednici Doma naroda ispred Odbora za ekonomsku i razvojnu politiku, finansije i budžet određen je Fahrudin Skopljak, predsjednik Odbora.

Predsjednik
Odbora za ekonomsku i razvojnu politiku,
finansije i budžet

Fahrudin Skopljak, s.r.